



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2024000043874

**Convocatoria:** 2025 PREM-TG

## RESOLUCIÓN POLA QUE SE APROBAN AS BASES E A CONVOCATORIA DO XXXVII PREMIO INTERNACIONAL “TORRENTE BALLESTER” DE NARRATIVA EN LINGUA GALEGA

Despois de ver os informes do servizo de Acción Social, Cultural e Deportes, da Secretaria Xeral e do servizo de Fiscalización

Don **VALENTÍN GONZÁLEZ FORMOSO**, Presidente da Deputación Provincial da Coruña,

### RESOLVO:

**Primeiro.** Aprobar as Bases reguladoras do XXXVII - Premio Internacional "Torrente Ballester" de narrativa en lingua galega, que figuran no Anexo - Bases Reguladoras.

**Segundo.** Dispoñer a publicación das bases deste programa no Boletín Oficial da Provincia da Coruña.

**Terceiro.** Aprobar a convocatoria do XXXVII - Premio Internacional "Torrente Ballester" de narrativa en lingua galega, de conformidade coas bases reguladoras que figuran no Anexo – Bases Reguladoras.

O prazo de solicitude iniciárase o día 10 de febreiro de 2025, e finalizará ás 14:00 horas do día 10 de abril de 2025.

**Cuarto.** Remitir esta resolución, así como o extracto da convocatoria conforme ao Anexo - Extracto da convocatoria, á Base de Datos Nacional de Subvencións (BDNS), para a súa publicación a través do Sistema Nacional de Publicidad de Subvenciones y Ayudas Públicas, de conformidade co previsto nos artigos 17.3.b e 20.8.a da Lei 38/2003, de 17 de novembro, xeral de subvencións, publicación que se tramitará como urgente.

**Quinto.-** Aprobar o orzamento dos gastos derivados da convocatoria, que ascenden a un total de 25.000 €, de acordo co seguinte detalle:

| Concepto                                                                                                                  | Aplicación orzamentaria | Documento contable RC | Importe             |
|---------------------------------------------------------------------------------------------------------------------------|-------------------------|-----------------------|---------------------|
| Premio                                                                                                                    | 0612/3341/481           | 220250000482          | 15.000€             |
| Honorarios do xurado, fixados de acordo co establecido na Base 30ª.4 das Bases de Execución do Orzamento para o ano 2025. | 0612/3341/22609         | (multiaplicación)     | 4.000€ (800€ x 5)   |
| Honorarios das persoas que integran                                                                                       |                         |                       | 6.000€ (1.000€ x 6) |



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2024000043874

**Convocatoria:** 2025 PREM-TG

|                            |  |       |             |
|----------------------------|--|-------|-------------|
| a Comisión de preselección |  |       |             |
|                            |  | TOTAL | 25.000,00 € |

Contra a presente resolución, que pon fin á vía administrativa, pódese interpor, alternativamente, recurso de reposición potestativo, no prazo dun mes perante o mesmo órgano que ditou o acto, ou recurso contencioso-administrativo, perante o Xulgado do Contencioso Administrativo da Coruña no prazo de dous meses, a partir do día seguinte a aquel no que teña lugar a notificación. Se se optara por interpor o recurso de reposición potestativo non se poderá interpor recurso contencioso administrativo ata que aquel sexa resolto expresamente ou se produza a súa desestimación por silencio.

Todo isto, sen prexuízo de que se poida exercitar calquera outro recurso que se estime pertinente.



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2024000043874

**Convocatoria:** 2025 PREM-TG

## **ANEXO - BASES REGULADORAS**

### **XXXVII Premio "Torrente Ballester" de narrativa en lingua galega**

#### **BASES**

##### **Primeira.- Obxecto**

Co ánimo de contribuír a acrecentar a calidade fabuladora e a creatividade que caracteriza as nosas escritoras e escritores, e coa vontade de homenaxear ao ferrolán Gonzalo Torrente Ballester, a Deputación Provincial da Coruña, convoca o XXXVII Premio "Torrente Ballester" de narrativa en lingua galega

##### **Segunda.- Persoas destinatarias**

Poderán participar todas aquelas persoas maiores de idade, que non obtivesen o premio nos cinco anos anteriores a este, e que presenten obras inéditas e non premiadas con anterioridade en ningún outro premio ou certame.

A orixinalidade da obra e a súa autoría xustificárase mediante unha declaración responsable na que se manifeste ser a persoa autora e titular de todos os dereitos.

En consecuencia, a Deputación Provincial da Coruña non se fará responsable das posibles denuncias por plaxio ou eventualidade similar que poidan xurdir, polo que se recaerá na persoa participante afectada as accións legais que procedan e asumirá, se é o caso, as indemnizacións que poidan corresponder polos prexuízos ocasionados a particulares ou á organización.

As persoas participantes terán a obriga de comunicar á Deputación a concesión de calquera premio que obteña a obra presentada, no momento en que esta situación se produza, o que dará lugar á súa exclusión do premio.

##### **Terceira.- Dotación**

Establécese un premio único dotado con 15.000€, que poderá quedar deserto ou ser concedido con carácter ex aequo; neste caso, o seu importe repartirase proporcionalmente entre as persoas que resulten premiadas.

Esta cantidade está suxeita ás retencións legais que lle sexan aplicables.

O premio non poderá concederse a título póstumo, sen prexuízo dos dereitos de sucesión que poidan exercerse si a persoa premiada falecese despois do fallo do xurado.



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2024000043874

**Convocatoria:** 2025 PREM-TG

#### **Cuarta.- Prazo**

O prazo de presentación de solicitudes iniciárase o día **10 de febreiro de 2025 e rematará ás 14:00 horas do día 10 de abril de 2025**, logo da publicación do extracto da convocatoria deste premio no BOP da Coruña, a través da Base de Datos Nacional de Subvencións.

#### **Quinta.- Envío da obra e documentación**

Para garantir o anonimato das solicitudes, a presentación realizarase baixo o sistema de PLICA coa presentación dun sobre pechado, a portes pagados, que indique no exterior o título do **XXXVII Premio "Torrente Ballester" de narrativa en lingua galega**, ao seguinte enderezo:

Deputación provincial da Coruña  
Avenida Porto da Coruña 2  
15003 A Coruña

Dentro deste sobre principal incluíranse dous sobres (sobre A para a obra e sobre B para a documentación). Ambos sobres indicarán o seguinte no exterior:

- XXXVII Premio "Torrente Ballester" de narrativa en lingua galega
- Título da obra
- Un lema ou pseudónimo

#### Sobre A – Obra

- Incorporará a obra proposta, preferentemente en formato dixital: USB/CD.
- O tratamento de texto será Word, LibreOffice ou PDF, en formato DIN A4, texto a dobre espazo, letra Times New Roman corpo 12 e deberá estar paxinado.
- As obras estarán escritas en lingua galega e serán de tema e extensión libres,
- Poderán presentar novelas, relatos e conxuntos de relatos
- En ningún caso o nome da persoa autora poderá aparecer no texto da obra.
- No caso de optar pola presentación en papel, os orixinais serán enviados por duplicado, en exemplares separados, grampados ou encadernados.

#### Sobre B - Documentación

Incorporará os seguintes documentos:



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2024000043874

**Convocatoria:** 2025 PREM-TG

- Copia do documento de identidade
- Datos de contacto: enderezo, teléfono de contacto, correo electrónico
- Breve currículo
- Documento co seguinte contido:
  - Declaración responsable de que a persoa autora é titular de todos os dereitos e que a obra é inédita e que non foi premiada, até a data de presentación, en ningún outro certame ou premio.
  - Cesión temporal dos dereitos de edición da obra (título da obra) por un prazo de dezaioito meses, que se contarán dende a data da concesión do premio.

#### **Sexta.- Xurado**

O xurado estará presidido pola Deputada de Cultura, quen actuará con voz e sen voto, e formarán parte del cinco persoas de recoñecido prestixio no ámbito da narrativa en lingua galega nomeadas por ela.

As funcións de secretaría exerceraas a Secretaría da Corporación ou a persoa funcionaria en quen delegue.

Para o nomeamento do xurado respectarase a presenza equilibrada de mulleres e homes, en cumprimento do disposto no artigo 70 da Lei 7/2023, do 30 de novembro, para a igualdade efectiva de mulleres e homes de Galicia.

As persoas que integren o xurado estarán sometidas ao deber de abstención nos casos sinalados no artigo 23 da Lei 40/2015, de 1 de outubro, de réxime xurídico do sector público.

A composición dos xurados daranse a coñecer, con anterioridade á súa reunión, no taboleiro de anuncios da sede electrónica co fin de que se poidan interpor, se é o caso, os recursos legais pertinentes.

Aplicarase o disposto na Lei 40/2015, do 1 de outubro, de réxime xurídico do sector público (LRXSP), Título preliminar, Capítulo II, Sección 3ª: Órganos colexiados das distintas administracións públicas”, artigos 15 a 18, no que se refire tanto á validez da súa constitución, como á actuación do xurado.

As deliberacións serán secretas e delas serán estendidas as actas correspondentes.



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2024000043874

**Convocatoria:** 2025 PREM-TG

## **Sétima.- Preselección, concesión e pago**

### Fase de preselección

Pasarán á consideración do xurado un máximo de 10 obras tras o seguinte proceso de selección:

- para a lectura da totalidade das obras presentadas, será nomeada unha comisión de preselección, que estará composta por persoas expertas no campo da literatura en lingua galega
- cada obra presentada será lida, como mínimo, por dúas persoas que forman parte da comisión e serán valoradas de 0 a 10 puntos, acompañadas dun informe xustificativo da súa valoración.
- farase unha selección inicial coa obra máis valorada por cada unha das persoas da comisión, sempre que a puntuación sexa superior a 7 puntos, conformando un primeiro grupo de obras que pasa directamente ao xurado final
- a ese primeiro grupo coas obras máis valoradas, sumarase un segundo grupo coas que obteñan 7 puntos ou máis nos informes de valoración de cada unha das persoas da comisión.
- se o número de obras resultantes no segundo grupo fai que o total sexa superior a 10, escolleranse de entre ese segundo grupo as obras coa puntuación media máis alta para completar a selección final cun máximo de 10 obras.
- se, pola contra, o número de obras resultantes no segundo grupo fai que o total sexa inferior a 10, completárase a selección final ata un máximo de 10 coas obras que teñan a puntuación media máis alta, sempre que superen o 5 nesa puntuación media

A relación das obras seleccionadas será dada a coñecer a través do taboleiro de anuncios da sede electrónica da Deputación.

### Concesión

A reunión do xurado terá lugar no segundo semestre de 2025 e a resolución de concesión do premio será dada a coñecer a través do Boletín Oficial da Provincia; a Deputación resérvase o dereito a cambiar a data se é necesario.

O xurado poderá declarar deserto o premio ou ser concedido con carácter ex aequo.



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2024000043874

**Convocatoria:** 2025 PREM-TG

Se hai finalista, a plica correspondente á obra poderá ser aberta pola persoa que exerza a secretaría do xurado co fin de que, se a persoa autora o permite, poida darse a coñecer o seu nome.

A proposta de concesión que formule o xurado será obxecto da resolución da Presidencia, que resolverá a súa aprobación, previo informe do Servizo de Acción Social, Cultural e Deportes e do Servizo de Fiscalización.

Non se devolverán as obras presentadas non premiadas e a partir do día seguinte ao da decisión do xurado serán destruídas.

### Pago

Para o cobro do premio, a persoa premiada deberá presentar a seguinte documentación:

Residencia española:

- Certificacións das administracións tributarias correspondentes e da Tesourería da Seguridade Social nas que se acredite que a persoa está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que envíe un documento autorizando expresamente á Deputación provincial da Coruña ás consultas tributarias e non se opoña á consulta de datos da Seguridade Social.
- Comunicación de alta de datos bancarios para o rexistro de terceiros, que figura no apartado de impresos oficiais da páxina web da Deputación provincial da Coruña.
- Certificación da titularidade de conta, expedida pola entidade bancaria.

Outra residencia:

- Copia do pasaporte ou DNI
- Certificado de residencia fiscal
- Declaración de non ter establecemento permanente en España
- Certificación de titularidade de conta bancaria

A presentación desta documentación farase preferentemente por medios electrónicos a través do modelo "solicitud xeral" dispoñible na sede electrónica da Deputación da Coruña.

A sede electrónica admite os certificados electrónicos do sistema Cl@ve, que contempla a utilización de sistemas de identificación baseados en claves concertadas (sistemas de usuario e contrasinal) e certificados electrónicos (incluído o DNle).

Tamén poderá presentala en calquera dos lugares e rexistros establecidos na normativa reguladora do procedemento administrativo común.



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2024000043874

**Convocatoria:** 2025 PREM-TG

A concesión e pago do premio será publicado na Base de Datos Nacional de Subvencións (BDNS).

### **Oitava.- Obrigas**

A Deputación, que publicará a obra premiada, reservarase os dereitos de edición durante un prazo de dezaioito meses, contados desde a data da concesión do premio, e entregará á persoa premiada trinta exemplares da obra editada.

### **Novena.- Protección de datos**

Os datos facilitados serán tratados pola Deputación da Coruña coa finalidade de tramitar esta convocatoria.

A participación nesta convocatoria implica aceptar a realización de fotografías e/ou vídeos pola Deputación da Coruña no certame de entrega dos premios ou no desenvolvemento das actividades complementarias.

As ditas imaxes poderán ser publicadas en:

- A páxina web e perfís en redes sociais da Deputación.
- Filmacións destinadas á promoción da actividade.
- Publicacións para dar a coñecer a actividade.

A lexitimación para o tratamento dos datos persoais baséase no cumprimento dunha misión de interese público.

Os datos poderán ser comunicados ás Administracións públicas para o exercicio das súas competencias e serán conservados de acordo co establecido na normativa de arquivo.

As persoas interesadas poden exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e rexistros establecidos na normativa reguladora do procedemento administrativo común. Así mesmo se considera que o tratamento incumpre co establecido no RXPD pode reclamar perante a AEPD.

Poden consultar máis información relacionada coa protección de datos na nosa Política de Privacidade ou dirixindo un correo a [delegadodeprotecciondedatos@dacoruna.gal](mailto:delegadodeprotecciondedatos@dacoruna.gal).

### **Décima.- Aceptación das bases**

A participación nesta convocatoria supón a total aceptación destas bases.



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2024000043874

**Convocatoria:** 2025 PREM-TG

## **ANEXO - EXTRACTO DA CONVOCATORIA**

### **GALEGO**

De conformidade co previsto nos artigos 17.3.b) e 20.8.a) da Lei 38/2003, de 17 de novembro, xeral de subvencións, publícase o extracto da convocatoria do XXXVII - Premio Internacional "Torrente Ballester" de narrativa en lingua galega. O texto completo do certame pode consultarse na Base de Datos Nacional de Subvencións

#### **Primeiro. Beneficiarios**

Poderán optar ao premio todas as persoas maiores de idade, que non obtivesen o premio nos cinco anos anteriores a este, e que presenten obras non premiadas en ningún outro concurso ou certame.

#### **Segundo. Obxecto**

Convocar para o exercicio 2025 o XXXVII Premio "Torrente Ballester" de narrativa en lingua galega, co ánimo de contribuír a acrecentar a calidade fabuladora e a creatividade que caracteriza as nosas escritoras e escritores, e coa vontade de homenaxear o ferrolán Gonzalo Torrente Ballester.

#### **Terceiro. Bases reguladoras**

A presente convocatoria rexerase polas Bases reguladoras publicadas no BOP.

#### **Cuarto. Contía**

O importe da consignación ascende a un total de 15.000,00 €, con cargo á partida 0612/3341/481 do Orzamento ordinario para 2025.

Establécese un único premio, dotado con 15.000 €.

O premio poderá quedar deserto e ser concedido con carácter ex aequo; neste caso, o seu importe repartirase proporcionalmente entre as persoas que resulten premiadas.

#### **Quinto. Prazo de presentación de solicitudes**

O prazo de solicitude iniciarase o día 10 de febreiro de 2025, e finalizará ás 14:00 horas do día 10 de abril de 2025.



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2024000043874

**Convocatoria:** 2025 PREM-TG

## **Sexto. Outros datos**

As obras presentaranse, preferentemente, en soporte dixital USB/CD, e xunto coa plica serán enviadas á Deputación da Coruña, Avda. Porto da Coruña 2, 15003 A Coruña, indicando no sobre XXXVII Premio Torrente Ballester de narrativa en lingua galega.

A Deputación publicará a/s obra/s premiada/s, directamente ou a través doutra editorial, reservándose durante un prazo de dezaioito meses, que se contarán dende a data da concesión do premio, os dereitos de editala/s.

## **CASTELLANO**

De conformidade con lo previsto en los artículos 17.3.b) y 20.8.1a) de la Ley 38/2003, de 17 de noviembre, General de Subvenciones, se publica el extracto de la convocatoria del XXXVII - Premio Internacional "Torrente Ballester" de narrativa en lengua galega. El texto completo de las Bases del premio puede consultarse en la Base de datos Nacional de Subvenciones

## **Primero. Beneficiarios**

Podrán optar al premio todas las personas mayores de edad, que no lo hubiesen obtenido en los cinco años anteriores a éste, y que presenten obras no premiadas en ningún otro concurso o certamen

## **Segundo. Objeto**

Convocar para el ejercicio 2025 el XXXVII Premio "Torrente Ballester" de narrativa en lengua gallega, con el ánimo de contribuir a acrecentar la calidad fabuladora y la creatividad que caracteriza a nuestras escritoras y escritores, e con la voluntad de homenajear al ferrolano Gonzalo Torrente Ballester.

## **Tercero. Bases reguladoras**

La presente convocatoria se regirá por las Bases reguladoras publicadas en el BOP.

## **Cuarto. Cuantía**

El importe de la consignación asciende a un total de 15.000 €, con cargo a la partida 0612/3341/481 del Presupuesto ordinario para el año 2025.

Se establece un único premio dotado con 15.000 €.



DEPUTACIÓN PROVINCIAL  
A CORUÑA

Servizo de Acción Social, Cultural e Deportes

**Expediente:** 2024000043874

**Convocatoria:** 2025 PREM-TG

El premio podrá quedar desierto y ser concedido con carácter ex aequo; en este caso, su importe se repartirá proporcionalmente entre las personas que resulten premiadas.

#### **Quinto. Plazo de presentación de solicitudes**

El plazo de solicitud se iniciará el día 10 de febrero de 2025, y finalizará a las 14:00 horas del 10 de abril de 2025.

#### **Sexto. Otros datos**

Las obras se presentarán, preferentemente, en soporte digital USB/CD, y junto con la plica serán enviadas a la Diputación de A Coruña, Avda. Porto da Coruña 2, 15003 A Coruña, indicando en el sobre XXXVII Premio Torrente Ballester de narrativa en lengua gallega.

La Diputación publicará la/s obra/s premiada/s, directamente o a través de otra editorial, reservándose durante un prazo de dieciocho meses, que se contarán desde fecha de la concesión del premio, los derechos de editarla/s.